



FYLKESMANNEN
I ROGALAND

Dykkar ref.:

Vår dato: 26.06.2017

Vår ref.: 2017/2446

Arkivnr.: 433.0

Magne Nagell Bjordal
Vikevegen 582
5568 VIKEBYGD

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Løyve til å plante utanlandske treslag til juletreproduksjon, gnr/bnr 336/2 Svendsbø, Vindafjord

Magne Nagell Bjordal får løyve til utsetting av nordmannsedelgran og fjelledelgran på gnr/bnr 336/2 i Vindafjord kommune. Formålet er juletreproduksjon. Løvet gjeld for 10 år. Det er sett vilkår om at alle tre skal fellast innan 15 år etter planting.

Vi viser til søknad mottatt 20.02.2017 om løyve til planting av utanlandske tre til juletreproduksjon på Svendsbø i Vindafjord kommune.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf. naturmangfaldlova kap IV.

Søknaden

De søker om utplanting av 600 tre/daa av nordmannsedelgran (*Abies nordmannia*) og fjelledelgran (*Abies lasiocarpa*) på eit 43 daa stort areal, innteikna på kart vedlagt søknaden. Arealet er ei utviding av eit eksisterande juletrefelt med nordmannsedelgran. Det nye feltet ligg inntil det eksisterande feltet med felles veg.

I søknaden skriv de at juletreproduksjonen vil ha innhausting før trea får spiredyktige frø (innan 10 år), og at tiltaket ikkje medfører risiko for spreiding til naturen rundt utsettingsområdet.

Fylkesmannen sin vurdering

Føremålet med forskrifta er å hindre at planting av utanlandske treslag gir uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§ 8 sett krav om at vedtak bygger på kjend kunnskap. Normannsedelgran er ikkje vurdert av Artsdatabanken som ein art med kjend risiko for naturleg spreiding eller følgjeffekter i norsk natur (Norsk svarteliste 2012). Fjelledelgran er vurdert til låg risiko for spreiding (LO). Det er ikkje verna område, naturtypar eller kjende artar i nærleiken som kan bli uheldig påverka av tilplantinga. Plantefelta legg beslag på noko areal, stort sett skrinne mark med einer og glissen bjørkeskog.

Ut frå føre-var-prinsippet (§ 9) er det viktig å sikre seg mot at plantefelt kjem ut av kontroll, ved å forhindre at trea når alder for frøspreiding. Risiko for spreiding blir handtert gjennom vilkåra til løyvet.

Påverking av økosystemet skal vurderast ut frå samla belastning som økosystemet er eller blir utsett for (§ 10). I dette høvet kan vi ikkje sjå at tiltaket legg beslag på eller er vesentleg trugsmål mot stadeigne naturkvalitetar.

§ 11 adresserar ansvaret for eventuelle skader på naturmiljøet til tiltakshavaren. Kostnader ved å bøta på eventuelle skader eller førebygge skadar skal dekkast av tiltakshavar, så langt dei er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§ 12). Vi har ikkje spesielle merknadar til dette i denne saka.

Samla vurdering

Vi kan ikkje sjå at planting av dette treslaget vil vere til vesentleg skade for naturmangfaldet. Dei aktuelle treslaga har ikkje stor risiko på svartelista, og det er ikkje registrert spesielle naturverdiar som kan bli truga av tiltaket på eller umiddelbart ved plantefeltet. Det er likevel viktig å sikre seg mot eventuell frøsetting. Det er viktig å dokumentere rutinar for å hindre spreiding, og kven som har ansvar for å sikre hogst før frøsetting. Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gir med dette løyve til utsetting av nordmannsedelgran og fjelledelgran på avmerka område i kartvedlegget vedlagt søknaden. Området er på Svendsbø i Vindafjord kommune. Oppmåling med kartverktøy visar at det omsøkte arealet utgjer om lag 45 daa, og ikkje 43 daa som er oppgitt i søknaden. Løyvet gjeld for 600 planter/daa (totalt 27 000 planter) på arealet. Løyvet gjeld i ti år fram til år 2027.

Det blir sett som vilkår at alle trær som er omfatta av vedtaket skal fellast innan 15 år etter planting. Eigaren av arealet er ansvarleg for felling. Vilkåret for dette løyvet skal gjerast kjend for ny eigar ved eventuelt eigarskifte.

Dette løyvet er berre gitt på bakgrunn av risiko for spreiding av utanlandske treslag, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefeltet er på dyrka jord. Samstundes vil vi minna om at skogbrukslova med underliggende forskrifter, mellom anna *forskrift om berekraftig skogbruk* (07.06.2006 nr. 593) også gjeld for juletre- og pyntegrøntproduksjon. Her er det også ein del miljøomsyn som må takast, t.d. avstand til vassdrag, myr, osv.

Tiltaket skal ikkje utførast før tidlegast ei veke etter at klagefristen er ute og ein eventuell klage er ferdig handsama.

Klage

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Vedlegg: Kart

Med helsing

Geir Skadberg
landbruksdirektør

Elisabeth Schmidt
rådgivar

— Dokumentet er elektronisk godkjent og har derfor ikkje underskrift.

Saksbehandlar: Elisabeth Schmidt
Saksbehandlar telefon: 51568784
E-post: fmroesc@fylkesmannen.no

Kopi til:

Vindafjord kommune	Rådhusplassen 1	5580	ØLEN
Miljødirektoratet	Postboks 5672 Sluppen	7485	TRONDHEIM